

四庫全書

史部

欽定四庫全書

史部

尚史卷五十六

侍郎臣劉躍雲覆勘

總校官檢討臣何思鈞

欽定四庫全書

尚史卷五十六

列傳三十四

鑲曰旗漢軍李鋈撰

楚諸臣傳

遂章 遂呂臣

遂章又曰為章事武王為太夫武王三十五年

桓六年

王

侵隨使章求成隨懼而修政我不敢伐三十七年

桓八年

王合諸侯于沈鹿

楚地

黃隨不會使章讓黃王伐隨三十

八年

桓九年

王使大夫道朔將巴客以聘于鄧鄧南鄙鄧

人攻而奪之幣殺道朔及巴行人王使章讓于鄧鄧人

弗受夏我圍鄆鄆潰章之後有遂呂臣呂臣字叔伯事

成王為大夫鬬穀於菟以成得臣伐陳之功使為令尹

呂臣曰子若國何對曰吾以靖國也及我師敗于城濮

得臣死呂臣代之為令尹晉侯喜曰莫余毒也已為呂

臣為令尹奉已而已不在民矣

左傳

為賈

伯

為賈字伯嬴成王三十九年

僖二十七年

王將圍宋使鬬穀

於菟治兵于睽終朝而畢不戮一人成得臣治兵于薳  
終日而畢鞭七人貫三人耳國老皆賀鬬穀於菟鬬穀  
於菟飲之酒為賈尚幼後至不賀鬬穀於菟問之對曰  
不知所賀子之傳政于子玉以靖國也靖諸內而敗諸  
外所獲幾何子玉之敗子之舉也舉以敗國將何賀焉  
子玉剛而無禮不可以治民過三百乘其不能以入矣  
苟入而賀何後之有明年得臣敗我師于城濮莊王時

賈為工正莊王三年

文十六年

楚大饑戎伐其西南至于阜

山師于大林又伐其東南至于陽邱以侵訾枝

並楚邑

庸

人帥羣蠻以叛楚麋人帥百濮聚于選

楚地

將伐楚于是

申息之北門不啟國人謀徙于阪高賈曰不可我能往

寇亦能往不如伐庸夫麋與百濮謂我饑不能師故伐

我也若我出師必懼而歸百濮離居將各走其邑誰暇

謀人乃出師旬有五日百濮乃罷自廬以往伐庸振廩

同食

發倉廩同食上下無異饑也

次于句澠

楚西界

使廬戡黎侵庸王

會師于臨品伐庸遂滅之六年

宣元

我侵陳遂侵宋晉

救之以伐鄭賈救鄭遇于北林囚晉解揚晉人乃還成

得臣之死也遂呂臣為令尹遂呂臣卒鬬般為令尹鬬

椒為司馬賈譖般殺之椒為令尹已為司馬椒又惡之

九年

宣四

鬬椒以若敖氏之族圖賈于轅陽而殺之

左傳

為艾獵

孫叔教

為子馮

為掩

為艾獵為賈之子是為孫叔教也又曰為教

新序孫叔教兒時見兩頭蛇殺而埋之歸而泣其母

問故對曰聞見兩頭蛇者死嚮者見之恐去母而死也母曰蛇安在曰恐他人又見之殺而埋之矣母曰吾聞有陰德者天報以福汝不死也

艾獵事莊王為令尹

呂氏春秋孫叔敖沈尹筮相與友叔敖游于郢三年聲問不知修行不聞沈尹筮曰說義以聽方術信行能令人主上至王下至霸我不若子耦世接俗說義調均以適主心子不如我子歸我將為子游沈尹筮



游于郢五年荆王欲以為令尹辭曰期思之鄙人有  
孫叔敖者聖人也王必用之臣不若也于是使人以  
王輿迎叔敖為令尹荀子孫叔敖期思之鄙人也突  
禿長左軒較三下而以霸楚淮南子孫叔敖決期思  
之水而灌雲婁之野莊王知其可以為令尹說苑令  
尹虞邱子復于莊王曰臣為令尹十年矣國不加治  
臣竊選下里之士曰孫叔敖秀羸多能其性無欲君  
授之政則國可使治民可使附莊王從之賜虞邱子

采地三百號曰國老以孫叔敖為令尹少馬虞邱子  
家干法叔敖執而戮之虞邱子憊入見王曰臣言孫  
叔敖果可使持國政不黨不鬻可謂公乎史記孫叔  
敖楚之處士也虞邱相進之于王以自代

莊王十六年

宣十一年

我侵宋艾獵城沂

楚邑

使封人慮事以

授司徒量功命曰分財用平板幹稱畚築程土物議遠

邇畧基趾具餼糧度有司事三旬而成不愆于素十七

年

宣十二年

王圍鄭克之及鄭平晉救鄭濟河王以北師次

于郅聞晉師既濟艾獵欲還南轅反旆嬖人伍參欲戰  
王告艾獵改乘轅而北之次于管晉趙旃來召盟席于  
軍門之外使其徒入之王怒遂趙旃我懼王之入晉軍  
也遂出陳艾獵曰進之寧我薄人無人薄我詩云元戎  
十乘以先啟行先人也軍志曰先人有奪人之心薄之  
也遂疾進師車馳卒奔乘晉軍遂敗晉師于郅

左傳

艾獵為楚相施教導民上下和合秋冬勸民山採春夏  
以水各得其所便民皆樂其生莊王以為幣輕更以小

為大百姓不便皆去其業市令言曰市亂民莫安其處  
次行不定曰如此幾何頃乎曰三月頃曰罷吾今令之  
復言之王曰市亂民莫安其處次行不定請令復如故  
王許之下令三日而市復如故楚俗好庠車王以為不  
便馬欲下令高之艾獵曰令數下民不知所從王必欲  
高車臣請閭里高其柵乘車者皆君子君子不能數下  
車王許之居半歲民悉自高其車此不教民民從其化  
近者視而效之遠者望而法之故三得相而不喜三去

相而不悔

史記

韓非子叔敖相楚棧車牝馬糲餅菜羹枯魚之膳冬裘夏葛衣面有饑色其儉偪下呂氏春秋莊王好遊獵盡傳其境內之勞與諸侯之憂于叔敖叔敖日夜不息不得以便生為故說苑叔敖相楚三年不知輒在衡後務大者固忘小

繒邱之封人見艾獵曰吾聞官久者士妬之祿厚者民怨之位尊者君恨之今相有此三者而不得罪楚之士

民何也艾獵曰吾三相楚而心愈卑每益祿而施愈博位滋尊而禮愈恭是以不得罪于楚之士民也

荀子

說苑孫叔敖為令尹一國皆來賀有一老父後來弔叔敖曰有說乎父曰有身貴而驕人者民去之位高而擅權者君惡之祿厚而不知足者患處之叔敖再拜曰敬受命願聞餘教父曰位高而意益下官大而心益小祿厚而慎不敢取三者足以治楚矣新序莊王問于叔敖曰寡人未得所以為國是也叔敖曰國

之有是衆非之所惡也國君驕士曰士非我無適富  
貴士驕君曰國非士無適安強君或至失國而不悟  
士或至饑寒而不進君臣不合國是無適定矣夏桀  
殷紂以合其取舍者為是不合者為非故致亡而不  
知

艾獵疾將死戒其子曰王亟封我矣吾不受我死王封  
汝汝必無受利地楚越之間有寢邱者地不利而名惡  
楚人鬼而越人禩可長有此也艾獵死王以美地封其

子子不受請寢邱與之至今不失

列子

韓非子莊公既勝狩于河雍歸而賞孫叔敖叔敖請  
漢間之地楚法祿臣再世而收地唯叔敖不收者瘠  
也故九世而祀不絕孫叔敖碑楚相孫君諱饒字叔  
教本是縣人也君受純靈之精懷絕世之材有大賢  
次聖之質少見枝首蛇對其母泣吾將死母問其故  
曰吾聞見枝首蛇者死今日見之母曰若奈之何吾  
煞行數十步念獨吾死可空復令他人見之死為因



埋掩其荆母曰若無憂焉其陰德立善遂為父母九族所異及其為相布政以道考象天之度敬授民時聚藏于山殖物于藪宣導川谷波障源淥溉灌沃澤堤防湖浦以為池沼鍾天地之美收九罙之利以應潤國家家富人喜優瞻樂業式序在朝野無螟蠹豐年蕃庶人有曾閔貞孝之行四民美好從容中節高相改幣一朝而化其憂國忘私乘馬三年不別牝牡繼高陽重黎五舉子文之統其忠信廉勇禮樂文章

軌儀同制其富國充民明天時盡地利寔堅禹稷不  
能踰也專國權寵而不榮華一旦可得百金至于歿  
齒而無分銖之蓄破玉玦不以寶財遺子孫終始若  
失去不善如絕絃辟患害于無刑徹節高義敦良奇  
介自曹臧孤竹吳札子罕之論不能驟也生于季末  
仕于靈王立溷濁而澄清處幽暗而昭明其遺武餘  
典恨不與戲皇帝代同世世為列姪國在朝廷其意  
常墨墨若冠章甫而坐塗炭也病其臨卒將無棺槨

令其子曰優孟曾許千金貸吾孟故楚之樂長與相  
君相善雖言千金實不貸也卒後數年莊王置酒以  
為樂優孟乃言孫君相楚之功即慷慨高歌曲曰貪  
吏而可為而不可為廉吏而可為而不可為貪吏而  
不可為者當時有污名而可為者子孫以家成廉吏  
而可為者當時有清名而不可為者子孫困窮被禍  
而負薪貪吏常苦富廉吏常苦貧獨不見楚相孫叔  
敖廉潔不受錢涕泣數行若投首王王心感動覺悟

問孟孟具列對即來其子而加封焉子辭父有命如  
楚不忘亡臣社稷圖而欲有賞必于潘國下濕境埆  
人所不貪遂封潘鄉 碑立于漢延熹三年具叔敖  
事頗備而特異者有四名饒事靈王封潘鄉與優孟  
之歌也具錄之以證羣說

為子馮艾獵從子也康王二年

襄十五年

以子馮為大司馬

五年

襄十八年

冬十二月我伐鄭子馮及公子格率銳師侵

費滑胥靡獻于雍梁

並鄭邑

右回梅山侵鄭東北至于蟲牢

而反令尹公子午門于純門信于城下而還涉于魚齒  
山之下甚雨及之我師多凍役徒幾盡八年襄二十一年公

子午卒使子馮為令尹子馮以疾辭方暑闕地下冰而牀

焉重繭衣裘鮮食而寢王使醫視之復曰瘠則甚矣而

血氣未動乃使公子追舒為令尹明年殺追舒復使子

馮為令尹十一年

襄二十四年

舒鳩人

楚屬國

叛我王師于荒

浦

舒鳩地

使沈尹壽師祁犁讓之舒鳩子敬逆二大夫而

告無之且請受盟二大夫復命王欲伐之子馮曰不可

彼告不叛且請受盟而又伐之伐無罪也姑歸息民以

待其卒卒而不貳吾又何求若猶叛我無辭有庸乃還

十二年

襄二十五年

子馮卒使屈建為令尹舒鳩人卒叛屈

建滅之王賞屈建建辭曰先大夫為子之功也以與為

掩掩子馮之子也是年掩為司馬屈建使掩亢賦數甲

兵書土田度山林鳩數澤辨京陵

絕高曰京大阜曰陵

表淳鹵

薄

之地數疆潦

疆界有流潦者

規偃澍

下濕之地

町原防

廣平曰原防隄防

牧隰

臬井衍沃

平美之地

量入脩賦賦車

周制六十四井為甸出

長轂一乘戎馬四匹牛

十二頭甲士三人  
步卒七十二人

籍馬

籍其毛色歲齒

賦車兵徒卒甲楯之數

既成以授屈建康王夢事邲教邲教三年

襄三  
十年

公子圍

殺掩而取其室

左傳

掩之族遂居見亂臣傳

遂啟疆 遂射

沈尹射  
沈尹赤附

遂啟疆為氏之族也

所出  
未詳

亦事康王康王十一年

襄二  
十四

年齊侯既伐晉而懼將欲見王王使啟疆如齊聘且請會

期秋齊聞將有晉師使陳無宇從啟疆來辭會且乞師

王使啟疆帥師送陳無宇康王薨事邾敖邾敖四年

昭元

年靈王弑邾敖以啟疆為大宰靈王三年

昭四年

吳伐我

入棘櫟麻

並楚東鄙邑

沈尹射奔命于夏汭啟疆城巢四年

昭五年

我以東夷伐吳遂射以繁揚之師會于夏汭吳師

出啟疆帥師從之遽不設備吳人敗諸鵠岸我師濟于

羅汭沈尹赤會王次于萊山遂射帥繁揚之師先入南

懷我師從之吳不可入王遂觀兵于坻箕之山無功而

還王懼吳使沈尹射待命于巢啟疆待命于雲婁沈尹



射沈尹赤並楚大夫遂射者亦為氏之族也六年

昭七年

王成章華之臺願與諸侯落之啟彊曰臣能得魯侯啟  
彊如魯召諸侯辭曰昔先君成公命我先大夫嬰齊曰  
吾不忘先君之好將使衡父照臨楚國鎮撫其社稷以  
輯寧爾民嬰齊受命于蜀奉承以來弗敢失墮而致諸  
宗祧曰我先君共王引領北望日月以冀傳序相授于  
今四王矣嘉會未至唯襄公之辱臨我喪孤與其二三  
臣悼心失圖社稷之不遑況能懷思君德今君若步玉

趾辱見寡君寵靈楚國以信蜀之役致君之嘉會寡君既受貺矣何蜀之敢望其先君鬼神實嘉賴之豈唯

寡君君若不來使臣請問行期

問魯見伐之期

寡君將承質幣

而見于蜀以請先君之貺魯侯來王享之于新臺使長

鬣者相好以大屈

弓名魯連子作大曲之弓不殊之璧

既而悔之啟疆聞

之見魯侯魯侯語之拜賀魯侯曰何賀對曰齊與晉越

欲此久矣寡君無適與也而傳諸君君其備禦三鄰慎

守寶矣敢不賀乎魯侯懼乃反之遂射初事靈王靈王

遇弒事平王平王十二年

昭二十五年

王使射城州屈復蒞

人城邱皇遷訾人昭王十年

定四年

吳入郢明年申包胥

以秦師救楚大敗吳師于沂吳人獲射于柏舉射子帥

奔徒以從公子申敗吳師于軍祥

左傳

遂罷

子蕩

遂洩

遂罷字子蕩

所出未詳

康王十四年

襄二十七年

晉楚弭兵既盟

于宋王使罷如晉泣盟晉侯享之將出賦既醉羊舌肸

曰遂氏之有後于楚國也宜哉承君命不忘敏子蕩將

知政矣敏以事君必能養民政其馬往邾敖即位王子

圍為令尹二年

襄三  
十年

邾敖使罷如魯聘魯叔孫豹問王

子之為政何如對曰吾儕小人食而聽事猶懼不給命

而不免于戾焉與知政固問不告叔孫豹曰楚令尹將

有大事子蕩將與馬助之匿其情矣四年

昭元  
年

王子圍

弑邾敖圍即位是為靈王使罷為令尹靈王元年

昭二  
年

以屈生為莫敖使與罷如晉逆女大夫遂洩者亦為氏

族六年

昭七  
年

王使遂洩伐徐吳人救之罷帥師伐吳師

于豫章而次于乾谿吳人敗之于房鍾

吳地

罷歸罪于遠

洩而殺之

左傳

### 遠越

遠越為司馬事平王平王八年

昭二十一年

宋華亥向寧叛

華登來乞師越帥師將逆華氏大宰犯

氏族未詳

諫曰諸侯

唯宋事其君今又爭國釋君而臣是助無乃不可乎王

曰而告我後既許之矣明年越使告于宋曰寡君聞君

有不令之臣為君憂無寧以為宗羞寡君請受而戮之

對曰君臣曰戰君曰余必臣是助亦唯命君若惠保敝邑無亢不衷以獎亂人孤之望也唯君圖之國人患之

會諸侯出華向華向來奔十年

昭二十三年

吳伐州來令尹

陽句病越帥師及諸侯之師奔命救州來吳人禦諸鍾

離陽句卒我師燭

吳楚謂火滅為燭軍主卒楚軍無復氣勢也

及戰于雞父

諸侯之師奔我師大奔大子建之母在郕召吳人而啟

之冬十月吳大子諸樊入郕

杜注以諸樊為王僚大子吳子遏號諸樊為王

僚之伯父傳誤

取楚夫人與其寶器以歸越追之不及將死衆

曰請遂伐吳以徵之越曰再敗君師死且有罪亡君夫  
人不可以莫之死也乃縊于蘧蒢左傳

### 蘧蒢

蘧蒢為鉞尹

鉞又曰歲

是曰鉞尹固又曰工尹固事昭王昭

王十年

定四年

吳入郢王取其妹季芊畀我以出涉雎固

與王同舟王使執燧象以奔吳師

燒火燧繫象尾也

昭王薨事

惠王惠王十年

哀十六年

白公勝作亂殺公子申公子結固

帥其屬將與白公勝遇葉公高招之乃從葉公以攻白

公勝勝鑑十二年

哀十八年

巴人伐我團鄭將卜師王曰使公

孫寧行寧請承

承佐也

王曰寢尹由于工尹固皆勤先君

者也于是公孫寧鍼尹固寢尹由于敗巴師于鄭寢尹

由于者是為王孫由于別有傳

左傳

論曰成濮之敗百濮之捷賈有遠圖若乃肆為貝錦殺  
般而身從之又何短知耶叔教佐莊登蹟于霸方之狐  
趙規模隘矣

鬬伯比

鬬穀於菟

文子

鬬般

鬬克黃



關子良

關椒

關棄疾

關韋龜附

鬬伯比者若敖氏也若敖為楚八世祖因以為氏後若

敖氏娶于邲生鬬伯比伯比為大夫事武王武王三十

五年

桓六年

王侵隨使遽章求成軍于瑕以待之隨人使

少師董成

董正也正二國之成也

伯比言于王曰我不得志于漢

東也我則使然我張吾三軍而被吾甲兵以武臨之彼

則懼而協以謀我故難間也漢東之國隨為大隨張必

棄小國小國離楚之利也少師侈請羸師以張之熊率

且比夫曰季梁在

隨賢臣

何益伯比曰以為後圖少師得

其君王毀軍而納少師少師歸請追我師季梁諫乃止

三十七年

桓八年

隨少師有寵伯比曰可矣讐有釁不可

失也夏王合諸侯于沈鹿

楚地

黃隨不會使蘧章讓黃王

伐隨季梁請下之弗許而後戰少師曰必速戰不然將

失楚師戰于速杞

隨地

隨師敗績鬬丹獲其戎車與其戎

右少師秋隨及我平王將不許伯比曰天去其疾矣

獲隨

少師故

隨未可克也乃盟而還四十二年

桓十三年

屈瑕伐羅

伯比送之還謂其御曰莫敖

官名即屈瑕

必敗舉趾高心不

固矣遂見王曰必濟師王辭焉屈瑕大敗于羅鬬丹亦

為大夫蓋其族也伯比子二穀於菟子良

名未詳

鬬穀

於菟字子文初若敖氏卒伯比從其母畜于邲淫于邲

子之女生穀於菟邲夫人使棄諸夢中虎乳之邲子田

而見之懼而歸夫人以告遂使收之楚人謂乳穀謂虎

於菟故命之曰鬬穀於菟以其女妻伯比穀於菟事成

王成王八年

莊三  
十年

文王弟公子元為令尹處王宮欲蠱

文夫人申公闢班殺之穀於菟為令尹自毀其家以紓

國難十七年

僖五年

穀於菟滅弦弦子奔黃三十二年

僖二年

十隨以漢東諸侯叛我穀於菟帥師伐隨取成而還三

十五年

僖二十三年

成得臣伐陳取焦夷城頓而還穀於菟

以為之功使為令尹蒧呂臣曰子若國何對曰吾以靖

國也夫有大功而無貴仕其人能靖者與有幾成得臣

竟敗于城濮穀於菟卒

說苑令尹子文之族有干法者廷理聞其令尹之族

也釋之子文召廷理責之曰吾族犯法使廷理因緣  
吾心而釋之是吾不公之心明著于國也執一國之  
柄而以私聞吾生不以義不若吾死也致其族于廷  
理曰不是刑吾將死成王聞之不及履而至子文之  
室曰寡人幼少置理失人以違夫子之意于是黜廷  
理而尊子文潛夫論鬪文子三為令尹而有饑色妻  
子凍餒朝不及夕

子鬪般為令尹般字子揚莊王九年

宣四年

子良之子鬪

椒殺般又殺為賈遂將攻王王滅若敖氏般之子箴尹鬬克黃使于齊還聞亂其人曰不可以入矣克黃曰棄君之命獨誰受之君天也天可逃乎遂歸復命而自拘于司敗王思鬬穀於菟之治楚國也曰子文無後何以勸善使復其所改命曰生

左傳

鬬椒見亂臣傳穀於菟之曾孫曰棄疾棄疾子韋龜韋龜子蔓成然成然亦見亂臣傳

鬬康

鬬御彊  
鬬梧  
馱之  
鬬班附

鬬祁

鬬勃

鬬且

鬬廉字射師為大夫初事武王武王三十八年

桓九年

王

使使將巴客聘于鄧鄧南鄙鄆人殺而奪之幣王使廉師師及巴師圍鄆鄆救鄆廉衡陳其師于巴師之中以戰而北鄧人逐之背巴師而夾攻之鄧師大敗鄆人宵

潰四十年

桓十一年

屈瑕將盟貳軫

二國名

鄆人軍于蒲騷

蒲騷

鄆將與隨絞州蓼

四國名

伐我師屈瑕患之廉曰鄆人軍

其郊必不戒且曰虞四邑之至也君次于郊鄧

楚地

以禦

四邑我以銳師宵加于鄆鄆有虞心而恃其城莫有鬬

志若敗鄭師四邑必離屈瑕曰盍請濟師于王對曰師  
克在和不在衆商周之不敵君之所聞也成軍以出又  
何濟焉屈瑕曰卜之對曰卜以決疑不疑何卜遂敗鄭  
師于蒲騷卒盟而還武王薨厯事文王堵敖成王成王

六年

莊二十八年

令尹公子元欲蠱文夫人夫人諷之伐鄭

元及鬬御彊鬬梧耿之不比為旆

時建旆以居前

鬬班王孫游

王孫喜殿入鄭純門

鄭外郭門

及遠市而還八年

莊三十年

公子

元處王宮欲遂蠱文夫人廉諫子元執而梏之秋鬬班



殺公子元

左傳

御彊梧耿之班並若教氏族班為申公鬬祁鬬勃並若

教氏族也祁為令尹事武王武王五十一年

莊四

王伐

隨薨于櫛木之下祁除道梁澁營軍臨隨隨成祁濟漢

而後發喪鬬勃字子上為大夫事成王成王四十年

僖二

十八年晉楚遇于城濮令尹成得臣使勃請戰得臣將中

軍鬬宜申將左勃將右及戰左右師潰我師敗績王殺

成得臣以勃為令尹四十五年

僖三十三年

勃侵陳蔡陳蔡

成遂伐鄭將納公子瑕門于桔扶之門瑕死初王將以  
商臣為大子訪諸勃勃曰君之齒未也而又多愛黜乃  
亂也楚國之舉恒在少者且是人也蠱目而豺聲忍人  
也不可立也弗聽是年晉陽處父侵蔡勃救之與晉夾  
泚而軍陽處父曰子欲戰則吾退舍子濟而陳不然紆  
我勃退舍處父宣言曰楚師遁矣遂歸我師亦歸大子  
商臣譖勃曰受晉賂而辟之楚之恥也罪莫大焉王殺

勃

左傳

鬬宜申見亂臣傳鬬且亦楚大夫且當廷見令尹囊瓦  
囊瓦與之語問蓄貨聚馬歸以語其弟曰楚其亡乎不  
然令尹其不免乎吾見令尹令尹問蓄聚積實如餓豺  
狼焉殆必亡者也夫古者聚貨不妨民衣食之利聚馬  
不害民之財用國馬足以行軍

國馬民馬十六井為邱  
有戎馬一匹牛三頭

公馬足以稱賦

公馬公之戎  
馬賦兵賦也

不是過也公貨足以實獻

家貨足以共用不是過也夫貨馬郵則闕于民

郵過也

民

多闕則有離叛之心將何以封矣昔鬬文子三舍令尹

無一日之積恤民故也成王聞子文之朝不及夕也于是乎每朝設脯一束糗一筐以羞子文至于今令尹秩之成王每出子文之祿必逃王止而後復曰民多曠者而我取富焉死無日矣我逃死非逃富也故莊王之世滅若敖氏唯子文之後在至于今處鄖為楚良臣是不先恤民而後己之富乎今子常即蒙瓦先大夫之後也而相楚君無令名于四方民之羸餒日日已甚是之不恤而蓄聚不厭其速怨于民多矣積貨滋多蓄怨滋厚不

亡何待子常其能賢于成靈乎成不禮于穆願食熊蹯  
不獲而死靈王不顧于民一國棄之如遺跡焉子常為  
政而無禮不顧甚于成靈其獨何力以待之

國語

論曰若敖再世翊楚至毀家以紓國宜子文之有後也  
然不有奔命之臣若敖之鬼終亦餒而已矣鬬勃以危  
言誅臣不密則失身之謂也然而熊蹯待食其思子上  
乎

成得臣

子玉

宛春

附

成大心

孫伯

成熊

成嘉

成得臣字子玉亦若敖氏之族也得臣事成王成王三

十五年

僖二十二年

陳貳于宋得臣伐之取焦夷城頓而還

焦夷陳邑頓國名

遂代鬬穀於菟為令尹晉公子重耳來得臣

請殺之王不可乃送諸秦三十七年

僖二十五年

秦晉伐郟

小國名

我使戍商密

郟別邑

商密降秦獲我鬬克屈禦寇得

臣追之弗及遂圍陳納頓子于頓三十八年

僖二十六年

得

臣滅夔以夔子歸冬得臣伐宋圍緡四十年

僖二十八年

王

及諸侯圍宋晉伐曹衛以救之王入居于申使申叔侯

去穀使得臣去宋曰無從晉師晉侯在外十九年矣而  
果得晉國險阻艱難備嘗之矣民之情偽盡知之矣天  
假之年而除其害天之所置其可廢乎軍志曰允當則  
歸又曰知難而退又曰有德不可敵此三志者晉之謂  
矣初為賈謂得臣剛而無禮不可以治民過三百乘不  
能以入及是得臣使鬬叔請戰曰非敢必有功也願以  
執讒慝之口王怒少與之師唯西廣東宮與若敖之六  
卒實從之

西廣右廣東宮大子宮甲若敖  
六年子王宗人之兵六百人

得臣使宛春

告于晉請復曹衛臣亦釋宋晉執宛春私許復曹衛曹  
衛告絕于我得臣怒從晉師晉師退三舍楚衆欲止得  
臣不可夏四月次于城濮我師背鄙而舍得臣使鬬勃  
請戰曰請與君之士戲君馮軾而觀之得臣與寓目焉  
晉侯使欒枝對曰寡君聞命矣楚君之惠未之忘也是  
以在此為大夫退其敢當君乎既不獲命矣敢煩大夫  
謂二三子戒爾車乘敬爾君事詰朝將見明日得臣以  
若教之六卒將中軍鬬宜申將左鬬勃將右曰今日必



無晉矣晉胥臣以下軍之佐蒙馬以虎皮先犯陳蔡陳蔡奔  
我右師潰狐毛設二旆而退欒枝使輿曳柴而偽遁我師馳  
之原軫卻縠以中軍公族橫擊之狐毛狐偃以上軍夾攻鬬  
宜申我左師潰我師敗績得臣收其卒而止故不敗初得  
臣自為瓊弁玉纓未之服也先戰夢河神謂己曰畀余余  
賜汝孟諸之麋弗致也得臣子大心與鬬宜申使榮黃諫  
弗聽榮黃曰死而利國猶或為之況瓊玉乎是冀土也而  
可以濟師將何愛焉弗聽出告二子曰非神敗令尹令尹

其不勤民實自敗也既敗王使謂之曰大夫若入其若申  
息之老何大心及鬬宜申曰得臣將死二臣止之曰君其  
將以為戮及連穀得臣縊王使止之曰毋死不及而死

左傳

宛春楚大夫紫黃字季亦楚人也大心字孫伯得臣之子也

成王四十五年

傳三十三年

晉陽處父侵蔡令尹鬬勃救之與晉

師夾泚而軍鬬勃欲涉大心曰不可晉人無信半涉而薄我  
悔敗何及不如紓之乃退舍大子商臣譖鬬勃王殺之以大

心為令尹成王薨事穆王穆王四年

文五年

大心滅六

國名

十年

文十一年王伐麇國名大心敗麇師于防渚麇地十一年文十二年大心卒

淮南子吳與楚戰莫囂大心撫其御之手曰今日距彊敵犯白刃蒙矢石戰而身死卒勝民治全我社稷可以庶幾乎遂入不返決腹斷頭不旋踵運軌而死

按敗楚師者囊瓦非大心大心去昭王世殊遠說誤

大心子成熊公羊作成然熊字虎事靈王靈王十一年昭十二年

或譖熊于王熊知之而不能行先是鬬椒作亂鬬成同

出若敖王謂熊亦若敖之餘也遂殺之左傳

案大心于又十二年卒成熊見于昭十二年相距八十六年則成熊或非大心之子

嘉字子孔若敖之曾孫也穆王十一年

文十二年

嘉為令尹羣舒叛

嘉執舒子平及宗子遂圍巢

宗巢二國舒之屬

莊王元年

文十四年

嘉及潘

崇將襲羣舒使公子燮與鬬克守而伐舒夢燮克作亂城郢使

賊殺嘉不克而還遂殺燮及克嘉卒為艾獵代為令尹

左傳

論曰軍制曰多算勝少算不勝怒齊秦絕曹衛執宛春

晉有箕矣子玉違成命帥憤師違命不祥憤師無功無

箕而敗實自敗也瓊玉畀神庸能免乎

屈瑕 屈重

屈瑕屈氏之先楚之同姓也事武王為莫敖

楚官名

武王

四十年

桓十一年

瑕將盟貳軫

二國名

鄭人軍于蒲騷將與隨

絞州蓼

四國名

伐我師瑕敗鄭師于蒲騷卒盟而還四十

一年

桓十二年

我伐絞軍其南門瑕曰絞小而輕輕則寡謀

請無扞采樵者以誘之從之絞人獲三十人明日絞人

爭出驅我役徒于山中我坐其北門

坐守也

而復諸山下

大敗之為城下之盟而還伐紂之役我師分涉于彭羅人欲伐之使伯嘉謀之三巡數之四十二年桓十三年瑕伐

羅使徇于師曰諫者有刑及鄢亂次以濟遂無次且不

設備及羅羅與盧戎

南蠻

兩軍之大敗之瑕縊于荒谷瑕

死屈重繼瑕為莫敖五十一年

莊四年

武王伐隨薨于楸

木之下重及令尹鬬祁除道梁漾營軍臨隨隨人懼行成重以王命入盟隨侯且請為會于漢汭而還濟漢而

後發喪

左傳

屈完

屈完事成王為大夫成王十六年

僖四年

齊侯以諸侯之

師侵蔡蔡潰遂伐我以包茅不入王祭不共昭王南征  
不復來討使者對曰貢之不入寡君之罪也敢不共給  
昭王南征不復君其問諸水濱師進次于陘王使完如  
師請盟師退次于召陵齊侯陳諸侯之師與完乘而觀  
之曰豈不穀是為先君之好是繼與不穀同好如何對  
曰君惠徼福于敝邑之社稷辱收寡君寡君之願也齊

侯曰以此衆戰誰能禦之以此攻城何城不克對曰君若以德綏諸侯誰敢不服君若以力楚國方城以為城漢水以為池雖衆無所用之完及諸侯盟

左傳

屈蕩 屈到 屈建 屈生

屈蕩 屈申附

屈蕩者屈建之祖父

世本

蕩事莊王莊王十七年

宣十二年

邲之役也王為乘廣三十

乘分為左右許偃御右廣養由基為右彭名御左廣蕩為右晉趙旃來召盟夜至于我軍王乘左廣以逐趙旃



旃棄車而走林蕩搏之得其甲裳我師遂乘晉軍晉軍  
奔王見右廣將從之乘蕩尸之曰君以此始亦必以終  
自是楚之乘廣先左蕩子到到字子夕事康王為莫敖  
到子建建字子木亦事康王康王九年襄二十二年使建為  
莫敖

尹文子共王多寵子而世子之位不定屈建曰楚必  
多亂夫一兔走萬人追之一人得之萬人不復走今  
楚多寵子而嫡位無主亂自是生矣本絕則撓猶兔

走也共王聞之立康王為太子慎子說苑並同 按

建父到已事康王為莫教則康王由建言而立恐未

必然

十年

襄二十三年

陳慶虎慶寅叛建從陳侯圍陳納陳公子

黃十二年

襄二十五年

建為令尹舒鳩人叛建伐之及離城

吳人救之建遽以右師先子彊息桓子捷子駢子孟帥

左師以退吳人居其間七日子彊曰久將墊隘隘乃禽

也不如速戰請以其私卒誘之簡師陳以待我

言簡閱精兵駐

後為陳也我克則進奔則亦視之乃可以免不然必為吳禽

從之五人以其私卒先擊吳師吳師奔登山以望見楚師不繼復逐之傳諸其軍簡師會之吳師大敗建遂滅舒鳩宋向戌善于晉趙武又善于建欲弭諸侯之兵如晉告晉許之來告于我我亦許之如齊秦齊秦亦許之

皆告于小國為會于宋十四年

襄二十七年

夏六月公子黑

肱先至成言于晉

先遣黑肱就晉大夫成戰盟之言

向戌如陳從建成

言于楚建請晉楚之從交相見也向戌復于趙武武曰

晉楚齊秦匹也楚能使秦君辱于敝邑寡君敢不固請  
于齊建使驛謁諸王王曰釋齊秦他國請相見也辛巳  
盟于西門之外晉楚爭先晉人曰晉固為諸侯盟主未  
有先晉者也楚人曰子言晉楚匹也若晉常先是楚弱  
也且晉楚狎主諸侯之盟也久矣豈專在晉乃先我宋  
公兼享晉楚之大夫趙武為客客一坐建與之言弗能  
對使羊舌肸即叔向侍言焉建亦不能對也乙酉宋公及  
諸侯之大夫盟于蒙門之外建問于趙武曰范武子即士

會之德何如對曰夫子之家事治言于晉國無隱情其

祝史陳信于鬼神無愧辭建歸以告王王曰尚矣哉能  
歆神人宜其光輔五君以為盟主也建又語王曰宜晉  
之伯也有叔向以佐其卿楚無以當之不可與爭十五

年

襄二十八年

建卒

左傳

屈到嗜芰有疾召其宗老而屬之曰祭我必以芰及祥  
宗老將薦芰建命去之宗老曰夫子屬之建曰不然夫  
子承楚國之政其法刑在民心而藏在王府上之可以

比先王下之可以訓後世雖微楚國諸侯莫不譽其祭典有之曰國君有牛享大夫有羊饋士有豚犬之奠庶人有魚炙之薦籩豆脯醢則上下共之不羞珍異不陳庶侈夫子不以其私欲干國之典遂不用

國語

建子生生事靈王與屈到屈建同官者又別有屈蕩康

王二年

襄十五年

以到為莫敖蕩為連尹十二年

襄二十年

以

建為令尹以蕩為莫敖

楚官縣尹次莫敖莫敖次令尹知此屈蕩別是一人然與屈建

同官而同其祖名傳或誤

蕩子申申亦為莫敖事靈王靈王三年

昭四

年王伐吳使申圍朱方克之執齊慶封盡滅其族明年

王以申為貳于吳殺之以屈生為莫敖

左傳

論曰邲之役屈蕩以左廣終始莊王楚廣由是先左然隨之役季梁曰楚人尚左是楚固先左也建之為令尹也崇德比賢狎主齊盟以和諸侯三載而卒惜也若夫徹芟而祭引禮以違命又其通也

屈原

宋玉 唐勒  
景差附

屈原者名平

離騷名予曰正則字予曰靈均是又名正則字靈均也

為楚懷王左徒博聞彊識明于治亂嫺于辭令入則與王圖議國事以出號令出則接遇賓客應對諸侯王甚任之上官大夫與之同列爭寵而心害其能懷王使平造為憲令平屬草藁未定上官大夫見而欲奪之平不與因讒之曰王使屈平為令衆莫不知每一令出平伐其功以為非我莫能為也王怒而疏平平疾王聽之不



聰也讒諂之蔽明也邪曲之害公也方正之不容也故  
憂愁幽思而作離騷

新序屈原有博通之知清潔之行懷王用之東使于  
齊以結強黨秦國患之使張儀之楚貨楚貴臣上官  
大夫靳尚之屬及令尹子蘭司馬子椒夫人鄭袖共  
譖屈原

平既絀其後秦欲伐齊齊與楚從親惠王患之乃令張  
儀佯去秦厚幣委質事楚曰秦甚憎齊齊與楚從親

楚誠能絕齊秦願獻商於之地六百里懷王貪而信張儀遂絕齊使使如秦受地張儀詐之曰儀與王約六里不聞六百里楚使怒去歸告懷王懷王怒大興師伐秦秦發兵擊之大破楚師于丹浙斬首八萬虜楚將屈匄遂取楚之漢中地懷王乃悉發國中兵以深入擊秦戰于藍田魏聞之襲楚至鄧楚兵懼自秦歸而齊竟怒不救楚楚大困明年秦割漢中地與楚以和楚王曰不願得地願得張儀而甘心焉張儀聞乃曰以一儀而當漢

中地臣請往如楚又因厚幣用事者臣靳尚而設詭辨  
于懷王之寵姬鄭袖懷王竟聽鄭袖復釋去張儀是時  
屈平既疏不復在位使于齊顧反諫懷王曰何不殺張  
儀懷王悔追張儀不及其後諸侯共擊楚大破之殺其  
將唐昧時秦昭王與楚婚欲與懷王會懷王欲行平曰  
秦虎狼之國不可信不如無行懷王稚子子蘭勸王行  
奈何絕秦歡懷王平行入武關秦伏兵絕其後因留懷  
王以求割地懷王怒不聽亡走趙趙不內復之秦竟死

于秦而歸葬長子頃襄王立以其弟子蘭為令尹楚人  
既咎子蘭以勸懷王入秦而不反也平既嫉之雖放流  
滕顧楚國繫心懷王不忘欲反冀幸君之一悟俗之一  
改也其存君興國而欲反復之一篇之中三致意焉令  
尹子蘭聞之大怒卒使上官大夫短平于頃襄王頃襄  
王怒而遷之平至于江濱披髮行吟澤畔乃作懷沙之  
賦于是懷石遂自投汨羅以死

水經注屈原有賢姊聞原放逐亦來歸喻令自寬全

鄉人冀其見從因名曰秭歸即女嬃也又曰屈原放  
流忽然自歸鄉人喜說因名曰歸鄉異苑長沙羅縣  
有屈原自投之川民為立廟在汨潭之西岸側石盤  
馬跡尚存

平既死之後楚有宋玉唐勒景差之徒皆好辭而以賦  
見稱然皆祖平之從容辭令終莫敢直諫

史記

宋玉因其友見楚襄王襄王待之無以異乃讓其友友  
曰夫薑桂因地而生不因地而辛女因媒而嫁不因媒

而親子之事王未耳何怨于我王曰不然昔者齊有良  
兔曰東郭餽一日而走五百里齊有良狗曰韓盧亦一  
旦而走五百里使之遙見指屬雖韓盧不及走兔之塵  
若攝迹而縱縲則雖東郭餽亦不能離今子之屬臣也  
躡迹縱縲與遙見指屬與

韓詩  
外傳

新序同宋玉集宋玉事懷王言友人于王王以為小  
臣友人讓玉玉報友人書曰薑桂因地而生不因地  
而卒女因媒而嫁不因媒而親與前說異新序宋

玉事襄王而不見察或謂曰先生何談說之不揚計  
畫之疑也宋玉曰不然不見夫元蝦乎當其居桂林  
之中超騰往來雖羿逢蒙不得正目視之及在枳棘之  
中危視而躋行衆人皆得意焉此皮筋非加急而體  
益短也處勢不便故也夫處勢不便豈可以量功校  
能哉

襄王問于宋玉曰先生其有遺行邪何士民衆庶不譽  
之甚也玉對曰唯然有之願大王寬其罪使得畢其辭

客有歌于郢中者其始曰下里巴人國中屬而和者數千人其為陽阿薤露國中屬而和者數百人其為陽春白雪國中屬而和者不過數十人引商刻羽雜以流徵國中屬而和者不過數人而已是其曲彌高其和彌寡故鳥有鳳而魚有鯢鳳凰上擊九千里絕雲霓負蒼天翱翔乎窈冥之上夫藩籬之鷦豈能與之料天地之高哉鯢魚朝發崑崙之墟暴鬣于碣石暮宿于孟諸夫尺澤之鯢豈能與之量江海之大哉故非獨鳥有鳳而魚



有鯢也士亦有之夫聖人瑰意琦行超然獨處世俗之

民又安知臣之所為哉

對楚王問

屈原賦二十五篇宋玉賦十六篇唐勒賦四篇

漢書

論曰懷王將入秦屈原沮之于蘭勸之遂卒不反是已  
事有徵矣乃頃襄既立親蘭而放原意者戊甫戊申重  
平王之報與嗟夫原以孤忠支吾羣小使遇中主鮮能  
得志于懷襄乎何有懷沙悲怨不可卒讀雪涕漣如不  
獨為屈原下也

尚史卷五十六